



Aqqalu C. Jerimiassen, Medlem af Inatsisartut
Atassut

Akileraarutivik pillugu § 37 apeqqut nr. 62/2022

§ 37 imm. 1-imi Inatsisartut suleriaasiat naapertorlugu akileraarutivik pillugu
ataaniittut apeqqutigivatit.

**1. Nunatsinni innuttaasut toqqaannartumik isertitaminniit akileraarutaat,
kiisalu toqqaannangitsumik akitsuutitigut akiliutigisartagaat katillugit,
innuttaasumut agguaqatigiisillugu procentinngorlugu qassi missaaniippa?**

**a. Iisimaneqanngippat, kisinnera qanoq sivisutigalunilu qanoq
akeqassava?**

§ 37 naapertorlugu apeqqutinnut qujanaq, maanna apeqqutitit akineqassapput.

Naatsorsueqqissaartarfimmi isertitat akileraarusinginnerisa aamma
akileraarusernerisa kingorna katillugit takuneqarsinnaapput. Isertitat
akileraaruserneqanngitsut akileraarummik agguaraanni taava aningaasarsianit
akileraarutivik inernerussavoq. Akissarsianit akileraarutivik tassaavoq
akileraarut isertitanit akiligaq. 2020-mi isertitat akileraaruserneqanngitsut 11,2
mia. kr.-upput, aningaasarsianillu akileraarutit 3,8 mia. kr.-ullutik. Taamaasilluni
aningaasarsianit akileraarutivik akunnaallisillugu 33,8 %-uvoq.

Tamatuma saniatigut isertitanut akileraarutivik katillugu, tamatumunngalu
ilannugullugit atuinnermut akitsuutit naatsorsueriaaseq ataani allaqqasoq atorlugu,
naatsorsorneqarsinnaavoq:

$$t = \frac{t^i + c}{1 + c}$$

Tassani t^i akissarsianit akileraarutiviuvuq taavalu c illumi pissarsianik atuinnermi
ilaattut atuinnermit akileraarutitut naatsorsuinertut atorneqartarluni.

Naatsorsueriaaseq taanna, ilaatigut inuttut/angerlarsimaffimmi qanoq atuineq
annertussuseqarsinnaanerani, aamma ilaatigut isertitat qanoq
atorneqartartiginerani tunngaveqarpoq. Taamaammat naatsorsueriaaseq
taanna sukumiineruvoq, isertitallu katillugit akileraaruserneqanngitsuinnaat
aamma akissarsianit akileraarutiinnaat tassani pineqaratik.


2020-mi angerlarsimaffinni atuinerit nuna tamakkerlugu naatsorsuutit
naapertorlugit 7,108 mia. kr.-upput. Nunatta Karsianik naatsorsuinnermi

Brevdato: 23-03-2022
Sagsnr. 2022 - 6479
P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

atuinermut akileraarutit katillugit kontut pingaarnert 24.11.XX-ini takuneqarsinnaapput, tassanili aalisarnermut akitsuutit pisuussutinit iluanaarutinit akileraaruserneqartarmata mininneqartarput. Taamaammat 2020-mi atuinermut akileraarutit taakku 854 mio. kr.-upput. Taamaammat atuinermut akileraarutit angerlarsimaffimmi atuinertup 12 %-isut naatsorsorneqarsinnaapput.

Taakkulu katikkaanni isertitanut akileraarutivik 40,9 %-uvoq.

Inussiarnersumik inuulluaqqusillunga


Naaja H. Nathanielsen